

主 编 杨世钰 赵寅松
本篇主编 云保华 阿惟爱

大理丛书·族谱篇

卷 四



大理白族自治州白族文化研究所 编

云南民族出版社

大理丛书·族谱篇

卷 四

大理白族自治州白族文化研究所 编

云南民族出版社

图书在版编目 (CIP) 数据

大理丛书·族谱篇/杨世钰, 赵寅松主编; 云保华, 阿惟爱
分册主编. —昆明: 云南民族出版社, 2008. 12

ISBN 978 - 7 - 5367 - 4337 - 3

I. 大… II. ①杨…②赵…③云…④阿… III. ①大理白族
自治州—概况②氏族谱系—概况—大理白族自治州

IV. K927. 42 K820. 9

中国版本图书馆 CIP 数据核字 (2008) 第 209572 号

DALI CONGSHU · ZUPUPIAN

大理丛书·族谱篇

云保华 阿惟爱/主编

策划编辑 高力青 岳 坚 杨浩林

责任编辑 奚寿鼎 段 波

封面设计 何志明

出版发行 云南民族出版社

(昆明市环城西路 170 号云南民族大厦 邮编: 650032)

邮 箱 ynbook@vip.163.com

印 刷 云南省地矿测绘院印刷厂

开 本 889mm × 1194mm 1/16

总 印 张 198

总 字 数 5000 千

版 次 2009 年 6 月第 1 版

印 次 2009 年 6 月第 1 次

印 数 0001 ~ 1060 (套)

ISBN 978 - 7 - 5367 - 4337 - 3/K · 1146 定价: 4160.00 元 (共 5 卷)

新华书店
PDG

大理叢書

楚圖南題



主 编 杨世钰 赵寅松

本篇主编 云保华 阿惟爱



喜洲赵氏族谱

友山甫钞	序文	凡例
卷壹诗册	纪世次	纶音
		世系



目 录

喜洲赵氏族谱	(1879)
太和龙关赵氏族谱	(2083)
蒙化姚氏家谱	(2105)
蒙化姚氏族谱	(2171)
太和段氏家谱	(2205)
剑川段氏家谱	(2223)
云龙诺邓段氏家谱	(2241)
新修段氏宗谱（大理国段氏宜良支）	(2251)
贵州盘县段氏家谱	(2349)
贵州大方段氏家谱	(2397)
缅甸段氏史谱	(2413)



Contents

Zhao's Genealogy in Xizhou Village	(1879)
Zhao's Genealogy in Taihe Village and Longguan Village	(2083)
Yao's Genealogy in Menghua	(2105)
Yao's Genealogy in Menghua	(2171)
Duan's Genealogy in Taihe Village	(2205)
Duan's Genealogy in Jianchuan county	(2223)
Duan's Genealogy in Nuodeng Village in Yunlong county	(2241)
Newly revised Duan's Genealogy (Yiliang Duan's Genealogy in Dali State)	(2251)
Duan's Genealogy in Panxian, Guizhou Province	(2349)
Duan's Genealogy in Dafan, Guizhou Province	(2397)
Duan's Genealogy in Myanmar	(2413)



简 述

阿惟爰

赵氏始祖赵铎步，原籍江南凤阳府人氏，裔肇自秦。唐初至滇，为南诏清平官，解官而卜居于喜洲之城北。数传而子孙繁衍，因迁七舍邑，是为赵氏聚族而居之始。十八传至祐，祐生琮、琛、玮、璵、瑄。十九世璵生士元、士吉。士元生鏞、鏜、铎、钊、銓、金，是为二十一世。鏜生端蒙，铎生端丰，銓生端益、端萃、端升、端临、端异，是为二十二世。“端”字辈叔伯弟兄七人，遂分为七大分支。庆衍螽斯，因改七舍邑为积善邑。自始迁祖赵铎步籍居史城嘉洲，传承至民国初，历世三十五世。

赵氏族谱，始修于唐而失于宋。尔后，由三十世孙赵禧昌续修，三十二世孙赵甲南续修，继之三十二世孙赵辅仁又对世次存考、代数排列及前人遗绩而复予编修。全谱共六册六卷，按“诗、书、易、礼、春、秋”，类孔子修正六经之意詮次。卷一“诗”册，即原族谱一、二、四卷，记录序文、凡例、世次考略、世系总图、后跋及纶音；卷二“书”册与卷三“易”册，即原族谱卷三上下，记录阡志；卷四“礼”与卷五“春”册，即原族谱卷五上下，记录艺文；卷六“秋”册，即原族谱卷六，记录存考并题名录。

其“诗”册之谱首，载有七序一前言，综述赵氏祖先续修家谱，继志述事，遗手泽于后，其意在于使族之昭穆统系昭明，宗功祖德、嘉言懿行不致湮没而不彰，敬族收宗、木本水源不致迷罔而无据，俾后人继祖德而知奋勉，是以为之前者必有待于后，为之后者必有资于前，家之有谱犹国之有史，家国之史虽殊，而谱史之义则一。寄望后人，永宜什袭而思绍述，益演益进。

“书”与“易”册，载有行述、行状、事状、传略、宴序、寿序、墓表、墓志、墓志铭、墓碑等凡五十五文。“礼”与“春”册，载有政序、政诗、和诗、酬诗、咏诗、志诗、步诗、遗诗、寿诗、挽诗、图诗、遗照诗、像赞、挽序、挽联、孝联、门房联、匾额、碑碣、庙记、碑序、墓表、墓圻志、墓志铭、遗嘱、遗言、瑣言、祭文、策文、祭祀表文和祝文，以及竹枝词、白话歌等。“秋”册载有云龙州雒马并赵氏世系分图，邓川州青索鼻赵氏世系分图，太和赵氏世系分图，四川南充赵氏世系分图，以及题名录。

该谱文赡事详，蔚为可观。

赵氏族谱六册简言识前

后裔辅仁，祖述禧昌。续修家谱，佑启后人。乃谱修告竣，再亲手钞录全部。以垂后世，以遗手泽。从此子子孙孙，如能随时展阅披读，则我祖宗之功勋，恍若目睹，人子之孝弟，自由心生矣。无论何人，阅读已终，永宜什袭，如珍藏之，以体念后裔修钞之苦衷，以保存先人遗留之芳徽也。方不负乎先人，亦不负乎后裔耳。为子孙者，宜当知之，特将配作诗、书、易、礼、春、秋六卷，以类孔子修正六经大意。是故卷壹诗册，纪录序文、凡例、世次、世系、纶音，卷贰书册，纪录阡志上，卷叁易册，纪录阡志下，卷肆礼册，纪录艺文上，卷伍春册，纪录艺文下，卷陆秋册，纪录存考，附题名录。详细标明谱首，以便后世查考云尔。

民国丁卯季夏长日

三十二世孙辅仁谨识

民国庚申孟秋裔孙赵辅仁亲手修钞



赵氏族谱

后世子孙什
袭如珍藏之

调鹤山房续修



赵氏族谱序

天以赵氏克世其德，保世滋大，绥定厥家，继继承承，俾尔炽昌，笃生伟人。克开厥后，实惟铎公，屡叶参华，其量十世。克笃前烈，厥惟长公，自长至端，显宦又十数世。其显之显者，时则有若运司廷重公、刺史仰山公。又阅数世，而太守秀峰公出焉，为国朝太和开府第一人。猗欤盛哉。盛而弗传，后人责也。三十世孙敛之先生，作而起曰：惟天惟祖宗，所以责望余者，庶其在此。爰披往牒，剔古碑，旁搜远绍，广询博访，成世谱一书。世次秩然，世系厘然，阡志灿然，纶音焕焉，艺文炳焉，存考备焉，斯为盛矣，斯足传矣。吾因之有感矣。古茂族，如汉金张、晋王谢、唐之萧、宋之吕，鼎盛蝉联，与一朝运会相始终，迨易姓则泯泯无闻焉。而赵氏历数朝贵盛，天之笃祐为已至矣。近代鉅家久者，七八世则为墟矣，次或四五世则为墟矣。甚者，或一二世，或不及世，秋雨断蒂，孤蓬不飞，何可胜叹！又甚者，沧桑改变，泣零华屋，灾及松楸，造物何若是之酷也！而赵氏先庐无恙，宏圭山麓气佳哉，郁郁葱葱，岂非天哉，岂非天哉！或谓悠悠苍天，久不可问。凌替之家，岂尽不德，彼强横烜赫，是遵何德哉？大抵气数之天不可争，义理之天必可恃。气数穷而义理自见，义理在而气数无权，千古惟此忠孝大节，撑持天壤，而天之报施称之。赵自铎公，世为宾师，教忠于蒙。自寿公，世为辅相，效忠于段。异牟寻貽韦皋。书曰：世为唐臣，教忠之效也。长公封中顺大夫，礼覲北厥，效忠之效也。议者不察，摈南诏于荒外，并其君臣之忠节而没之，不亦过乎？他如郡判同知邑宰诸公，忠效一官。郡掾书记幕僚诸公，忠效一职。至运司刺史太守三公，政绩懋昭。其有功德于民者，即其尽忠于上者也。以云忠，世笃忠矣。至孝如海公，其言曰：旦暮弄雏亲侧，以尽爱日之诚，功名外也。继则士元公，髫龄至性，万里扶柩，有古孝子风。其他孝行卓卓，具载铭状。用是，妇女亦修顺德，诸孺人传志可徵也，童稚亦修庸德，诸子弟和愉可睹也。以云孝，世克孝矣。忠孝之英华，发为文章，黉序济济焉。而殿选中之诸孝廉，耀东香山诸明经，后先辉映也。忠孝之积累，裕为富厚，室家溱溱焉。举族无鉅罄。嗟，豫泰丰亨也，天之报施为何如欤。综而计之，历世三十馀世，历年一千馀年，人数百人，事数百端。而谱之者，有典有则，无略无遗，盖其心力所到，与祖宗之气脉相通，与罔族之精神相贯，且直与上天之眷顾相感，非我敛之，孰克当此，而无忝乎。辱承淳嘱，爰序而赞之曰：缙戎祖考，天心攸属。世德作求，敬宗收族。族以属之，宗以尊之，祖式凭之。子子孙孙，勿替引之，惟天其右之。

时大清同治八年岁次己巳仲冬月上元日

赐同进士出身，历任湖南、淑浦、安福、巴陵、广东、四会、新安等县知县，滇西张相侯菓洲氏顿首拜撰。

纂修家谱序

惟戊辰七月朔丙子，积善邑赵氏，三十一世大宗庆溥暨小宗国富、珍品、学品、希贤、鸿品、恒豫属族人荐于宗祠。禧昌拜手、稽首曰：昔我先考归自秦，率不肖谒于兹，载告曰：粤我城北族，著于唐，谱牒失于宋，明初建祠，是为七舍邑。嗣将圯，我用迁于兹新土。徵元故相副官墓碑，次累世昭穆于石。讫刺史公之世为七支，庸易名曰积善邑。自时厥后克笃前烈，振振绳绳，其丽不亿，诞敢纪其叙，启佑我后人。比予羁于官，未遑厥志，尔小子念之哉。已予惟小子，不敢替命，惟弗克于德，肆未能光迪我遐邇宗，绥辑我远迩族，以遵追先训。继自今，我族实维繁，率用徂适于他，不常其邑。矧曰：其克审乃世，不其或稽，后将曷续。尚赖我诸宗，协于众，衍绪于无穷，俾勿世迷。金曰：俞，凡我族共帅时勛哉勿怠。越翼日丁丑诣祠，惟瑞昌作册，恒璧、宗品、雅品、芳品布席于庭，景恬、景熙、景沂、福裕、维藩、维垣载笔左右侍，泽溥、种璧登埤启牋，敬宣昭穆次，德昌、锡昌祇承之，界左右，书于册，无敢不诚。越十日丁亥，暨宝品、翰品、立品、庄品朝步自邑，遂至苍麓省墓，则达观于宏圭阳，历勘诸表识。景仰、景濂、景温、福绥踞书褒诰于螭蚪侧，旁求先正德言徽言于墓左。厥八月丙午腊，越三日戊申，辩询诸族人，厥祖父讳及乃子孙名，恒昌以次续于前，俾不紊。其在剑，实寓我宗后，其在腾，亦有我族支，阻于远，今时尚未系厥图，惟良璧、福峻肆访之。越在近族，若湾桥，若太和村，俾美富、科富、福遐、福久往徵之。越在远族，若永北，期纳、紫堪、石头村，俾景武、景文、昆璧、躬璧往徵之。咸以其牒来。祐昌、福昌分覈之，佐之以时胜，亦越异姓同宗族，合其宗以严其辨，削其姓以冀其归，庸纪于七支中。惟备其以他族，继则弗属。九月，乃邮书于雒马、白岩、竹子园、青索鼻，俾各修其世次，于乃居徯，别为系以附。嗟，凡若兹，实播于滇之西，胥为积善族，罔攸殊。十有一月哉生明册将成，率族人告于宗祠。禧昌拜手、稽首曰：呜呼念哉，予赵氏源于唐，沿于宋，演于元，汇于明，沛于今，沐恩波于世世。休哉！

时大清同治七年岁次戊辰仲冬之月朔日

三十世孙禧昌谨叙



太和赵氏族谱序

石井刘氏为族谱，安化陶黄江氏善之曰：正家于不言之化，协于不谋之合，定于不争之分，爱于其所亲，敬于其所尊，颂而容之于德之成，风而声之于德之致。休之以其所己能，董之以其所未及。不求所不得，不阙所未疑，不属所不联，不取所不与。蒙尝三复其言，思宪以谱吾宗未获也。惟同年赵冠三氏获之，且尽备刘氏之善。蒙尤善其谱出赘，不谱入赘，为足挽吾乡敝俗云。夫赘婿非古也，不独余乡有之，而亦不自余乡始。贾谊书时势篇云，秦人有子，家富子壮则出分，家贫子壮则出赘。盖始于秦孝公之世，商君变法之所流毒也。夫礼义生于富足，而隳于贫乏，固也。若藉可以生者而隳之，可耻孰甚焉。利人之产，而忘己之所自出，迫于穷困，犹可说也。恃己有可以动人者，徇儿女子之私，陷人于不孝。遂至强神以欲非类，民以祀非族，黷宗甚矣，罪浮于出分。盖有不召之人者，其谁甘轻以出。故欲靳其出，必先靳其入。赵子谱出赘，闵其贫也，未绝之也，犹冀其来归也。入赘不谱，外之矣，知为所外，而共靳其入焉。彼虽有欲出者，亦苦莫由。则此不言之化也，岂特正一家已乎。扩而充之，可正一国。

时光绪辛丑冬十二月

昆明 李坤撰



续修家谱序

赵氏家谱，自宋已失，后获元故，相副官墓碑，颠末备具于上。然其文漫漶，不可读矣。幸字尚未剥落，乃得以次勒诸石立祠中，冀传不朽。今墓碑蔽于榛莽，莫知所在，而此石岿然独存。考世系者，因即是徵之。昔先大夫廷俊公，致仕家居，欲修未果寻卒。而丙辰之变作，四先君子禧昌公，恐其残毁也，毅然以纂修为己任。维时杜某倣扰，众皆危惧。四先君子置不为虑，而惟汲汲于此者，诚念身家轻，祖宗重也，乃业未竟而遽终。而斯谱已修，而未尽修者，又三十载于兹，然属稿未散，故此役续修，得藉以为资，遂弥旬而告竣。四先君子之功顾可没乎？嗟夫！家之有谱犹国之有史也，而其修之之难，究无以异。何也？古者修史，事非其事则不传，人非其人则不传，即事与人可传，而非懿道德能文章者以传之，则亦不传。传矣而不即传也，必阅数世而后传。此赵氏家谱，所以历宋元明迄今，而始成也。不者，我赵氏如铎步、如寿、如福、如长诸公之忠诚，如海、如禄、如祐、如士元诸公之孝友，卓卓可传。而且登科第，则有瓚公、端益公、廷俊公、邦柱公、锡昌公若而人。举明经，则有鹭公、复际公、笈公、琇公、时昂公、清品公若而人。其有声庠序者，更难覩缕。斯其盛为何如哉，而胡为迟之久，而乃传耶？岂其事不克传欤？抑其人不足传欤，而皆非也，时为之也。否则能传而不及传者，又年为之也。时为之者，如丙辰之变是也。年为之者，如四先君子是也。呜呼！斯谱成，而上可以继前人，下可以貽后嗣矣。成之者，诸父暨甲南也。爰命南叙，南不吝，然何敢违，谨述其缘起如此，传之永永云。

时大清光绪二十五年岁次己亥季春之望

三十二世孙甲南谨叙



大理赵氏族谱序

天地之间一气而已，乃吾自无何有之乡，而有此知觉。缅维太虚寥廓，肇基化元，一气潜通，民物以分。咕咕吁吁，其同此无怀葛天之民乎，首圆趾方，其同此黄帝之苗裔乎，似也。顾何以孔子删书断自唐虞，系易始于伏羲，明帝王世系，自此可徵也。作春秋攘夷狄，示祖族攸分也。厥后伦常大备，命姓命族，悉数难终，此家族谱所由作也。吾邑友山赵子，身业儒林，晚年与余气相投道相契。余值此时艰，每放旷于方之外。而赵子独殷殷然，以伦常为首务。其睦宗族建宗祠，查祭田拾数馀亩，修古坟八十馀穴，犹显焉者也。一日出宗谱示余，余见之不忍释手。按宗谱之成，成于先君子讳禧昌公，公博洽群书，尤精于二氏学，所著梵音注释，令人望洋之叹。余曷敢赞一辞。续修则有冠三孝廉公，庶吉士李厚庵公，赞以谱出赘，不谱入赘，重人伦也。友山赵子，继志述事，上迪前光，特于世系匠心独运。按系字以会意言，系一丝也，以一丝衍宗绪，夥矣。赵子则于一丝之中，条分缕晰，竟使列祖列宗、群昭群穆，莫不朗若日星。书所谓若网在纲，有条不紊，其在此与。然以一分之，则邵子所谓一生二，二生无穷是也，合之则仍一丝也，仍一派之源流也。观止矣，吾因之有感矣。以一丝谱宗族，即以之谱国谱天下可也，即以之谱天地、谱山川、谱民物亦可也。盖一丝相贯，譬如一气相感也。一气相感，自身而国而天下，而天地山川民物，何莫非始于一气也。虽然余知赵氏之始，始于南京，余之始亦始于此。既知赵氏之始，又何以知南京之始，既知南京之始，更何以知元始之始，与无始之始，余之始与赵氏之始，殆不止在庖羲唐虞时也。其始于黄帝之世乎，其始于无怀葛天时乎？余不得而知也。原夫一气之始，当游神于太虚乎，当穷之于无何有之乡乎？余更不得而知也。不得而知，还以质之赵子可乎，而赵子亦不能以谱宗族者谱之也。虽然，吾与赵子，当从事于无何有之乡，无尔我无今古，直相喻于一气之始可也。谱云乎，序云乎，要不过一气之相感也。是为序。

时大中华民国乙丑冬至后五日

同邑杨樾步天氏鞠躬拜撰



續修家譜序

窃思家之有谱，犹国之有史也。盖国不可无史，而家不可无谱。然古史春秋尚矣。孔子欲令人心之益进于敦厚，风俗之益进于善良，所以有春秋之作也。兹当国有史矣，忍教家无谱哉！稽考我赵氏，为滇西望族，原人心敦厚，风俗善良，且人物亦有名世，乃提议编辑谱牒，以为一家之政，乌容缓乎？幸谱唐修矣，惜失于宋，后元明代有达人，奈何皆未逮修之者？嗟乎！我先人之遗文几于沦落，记载几于阙如，可不惕哉。幸先大父禧昌出焉，道光间茂才，性孝友，嗜诗书。适先曾大父廷俊太守公，解组归家，藏书甚富，禧昌手不释卷者三十余年。藏书无不遍读，而能强记，得博雅名。昔林文忠公，驻节大理，见而深器之。迨杜逆倡乱，不为所用，设家塾训子侄，成名颇众，著述亦多，事绩载大理县志文学部。竟不见用于世，常怀有志未遂之叹，乃平生敦笃伦常，正当危难之中，遂不禁汲汲皇皇，任纂修家谱为急务者，诚以彰往哲，实以励将来也。于是，课训之余，查考世次，联贯世系，纪录阡志，抄誊纶音，缮写艺文，采访存考，举凡一一纲目条例，悉载无遗。论禧昌之用心，可谓苦矣，尚何加哉。然汇稿完全不难编辑成书，将及卒业而遽终，良可哀也！尤可恨者，奈诸伯叔兄弟，乃继述此任者，皆无暇晷，第不知此谱，尚待何日而始成也。乃不意又有孝廉甲南弟出焉，自戊戌北上归，居家训读，即藉禧昌属稿为资，毅然兴起续修之举。此可见为之后者，必有藉于前，为之前者，尤有待于后也。原拟甲南之心，诚恐属稿散失，不特近事无徵，并先人之功绩，更无从查究。而卒底于成者，盖有不容已之势也。乃禧昌序于谱之创始，甲南序于谱之告成。微甲南而禧昌之功不著，微禧昌而甲南之志不彰，互相因创，实为后先辉映也。每念吾族家谱，始有禧昌完全修之，既序之矣。若无庸赘者，且继述有甲南，广询博访，先人之著述，洵足以考古证今，开来继往。至一切铺张荒诞之事，悉屏不书，尤得其要领。诚吾谱之笔削得宜，其可传信于后无疑矣。更无庸赘者，辅才陋学浅，何敢赞词。于课训之余，举谱复阅，其世次、阡志、纶音、艺文莫不条分缕析，厘然灿然。惟觉其世系存考，于代数排列欠当，曾恐后嗣难于分割，辅不揣冒昧，将其代数排列成行，一览可辨，以待后继述修辑之者，庶不难于稽考焉。并收罗诸先人之遗迹，全录谱中，以便后世遵循，匪于斯谱亦小补云。特意亲手抄录一部，遗嗣手泽，继后仿此模范，印刷多部，广行分佩，以传奕世。庶可慰禧昌在天之灵，亦可励后人报本之意也。自兵燹之后，宗祠先人神位，半多残缺。先代坟茔，半多倾圮。常住田亩，半多遗失。阖族举辅承办，义不容辞，乃不敢矜功，尤不敢委靡，尽子孙之义务，竭力提倡，庶令宗祠焕然一新，坟茔安然坚固，田亩峨然有着。举凡应修之处，无一不备。虽非完全美善，然稍有可观。从此役振作之后，永无虑荐祖拜扫之资缺乏云。伏冀后世子孙，勉之慎之，须存保全之心，勿怀破坏之念。辅藉此谱以传姓名，亦为承先后起见耳。用志数语于简端，以劝来者。诚竟不忍湮没禧昌之善始，与夫甲南之善终。是为序。

时大中华民国九年岁位庚申孟秋望日

三十二世孙辅仁谨叙